

Zeitschrift: L'ami du patois : trimestriel romand
Band: 32 (2005)
Heft: 129 [i.e. 130]

Artikel: Amicâla dâi patoisan de Savegni, Forî et einveron
Autor: Goumaz, Marie-Louise
DOI: <https://doi.org/10.5169/seals-244848>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>

Amicâla dâi patoisan de Savegnî, Forî et einveron.

Onna bouna cinquantanna de meimbro de l'Amicâla sè sant retrovâ à Pouâidâo lo deçando 2 d'avrî 2005 po la tenâblia statutéra. Lo presideint, Jean-Louis Chaubert a saluâ tot lo mondo et, permi la tropa, lo presideint d'honneu F. Lambelet, lè damè Lucette Décosterd et Bluette Golay meimbro d'honneu. Doû novî sant adèmet : Raymond Chaubert et Nathanael Hoyois. Lo presideint a contâ deïn son rappoo tot ceïn que l'Amicâla et Lè Sansounet l'ant vityù tandu l'annâie 2004. - Po quant âo bossî, l'è conteint, fâ pas dècret maugrâi que lè tein sant dû. Lè vèrificateu qu'ant pequelyounâ lè conto à tsavon n'ant rein trovâ à redere. Tot va po lo mî. La cotisachon è mantegnâite à Fr. 15.-- po l'annâie.

Ao comitâ, nion n'a dèmechounâ, sant dan tî remet avoué acclamachon. L'è dinse que lo comitâ l'âodrâ ein-an avoué : presideint, Jean-Louis Chaubert, Puidoux; vice-presideinta, Félice Trolliet, Vucherens; caissier, Daniel Cordey, Forel; secrétaire, Marie-Louise Goumaz, Puidoux et membre, Benjamin Monachon, Rivaz. Lè vèrificateu restant assebin lè mîmo que dèvant : Michel Chappuis de Puidoux et Henri Porchet de Forel.

L'è lo 28 de djuin que l'Amicâla moderâ po lo Beatenberg po la salyâite 2005.-

Lo presideint recoumande de s'inscrire po la Fîta remanda et interrègionâla de sti an (lè 27 et 28 d'aoû) à Martigny. L'è bin damâdzo que pertot on s'adene à organisâ dâi fîte âo tiu dâo tsautein, ceïn fâ que foudrâi ître pertot ein on yâdzo! Dèvant, stè granta fîta sè fasâi âo mâi de setteimbro âo bin lè premi dzo d'otôbro et lâi avâi pas atant d'eincâoblye qu'âo dzo de vouâi.

Lo 22 de mâi, Savegnî organise la 80éma règionâla dâi musique de Lavaux su lo thèmo "Jules Verne, 100 de rêve". L'ant criâ l'Amicâla po parârdâ avoué leu.

Lè Sansounet l'ant tsantâ, dinse que Lè Ransignolette et B. Monachon. Et pu, lâi a z'u, quemet adî, dâi gouguenette, dâi conto, dâi rècit. Monsu Favrod-Coune, dècheindu dâo Payî d'Amont, no z'a de que s'escormantse po dèvesâ la vîlye leinga ein tsî li avoué fenna et boute. Fèlicitachon et que tsacon châive sti bal èseimplyo!

Marie-Louise Goumaz.